

ԳՅՈՒՄՐԻՈՒՄ ՕԾՎԵՅ Ս. ՆԱԿՈՒԲ ԵԿԵՂԵՅԻՆ

Արևի առաջին շողերի հետք արթնացած գյումրեցին վեր հառնեց հայացքը, փառք փվեց Արարչին՝ նոր օրվա բերկրանքի փեսությանն արժանանալու համար, և քայլերն ուղղեց դեպի նորակառույց Անի թաղամաս: Օգոստոսյան այգաբացը փռնական էր ու խորախորհուրդ. իրականության էր փոխարկվել նրա թաքուն փայփայած երազներից մեկը՝ ավերակներից փյունիկի պես հառնող հարազատ քաղաքի երիտասարդ թաղամասում փեսանել մի նոր աղոթատուն, ուր, բարեպաշտ հայրենակիցների հետ, իր աղոթքը կառաքի առ Բարձրյալը:

Տեղ հասավ, խառնվեց մյուս ներկաներին և սրբի թրթիռով սպասեց նրանց, ովքեր դույզն-ինչ լուծա ունեին այդ գործում և կամ ում շնորհիվ երազը փոխարկվել էր իրականության:

ՔԱՂԱՔԻ ՄՈՒՏՔԻ ՄՈՏ

Օգոստոսի 29-ի վաղ առավոտյան, ժամը 9.45-ին, Գյումրի ուղևորված բարձրաստիճան հյուրերին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսին իր շքախմբի հետ, Հայաստանի Հանրապետությունում ԱՄՆ արտակարգ և լիազոր դեսպան Զորջ Օրդուեյին, բարձրաստիճան պետական, դիվանագիտական այրերին, ինչպես նաև բարերարներ տեր և փիկին Սարգիս և Բաբի Հակոբյաններին ու նրանց թոռնուհուն և այլ հրավիրյալների քաղաքի սահմանագծին դիմավորեցին Շիրակի թեմի առաջնորդ Ս. Միքայել եպ. Աջապառյանը, Շիրակի մարզպետ Ֆելիքս Փիրումյանը, քաղաքապետ Վարդան Ղուկասյանը և տեղական իշխանությունների այլ ներկայացուցիչներ և առաջնորդեցին դեպի նորակառույց Ս. Հակոբ եկեղեցի:

ՄՈՒՏՔ «ՆՐԱՇԱՓԱՆ»-ՈՎ

Այսպես պարզարժան հյուրերին դիմավորեցին թեմի հոգևորականաց դասը և մեծաթիվ հավատացյալներ ոչ միայն Գյումրիից, այլև մարզի այլ բնակավայրերից ու Հայաստան աշխարհի տարբեր տարածաշրջաններից:

Հանդիսավոր թափուրը Նորին Սրբությանը «Հրաշափառ»-ի երգեցողությամբ առաջնորդեց եկեղեցի, ուր քիչ հետո պետք է կատարվեր Խորանի և Մեղանի հանդիսավոր ծծումը Սրբալույս Մյուռնուվ՝ ձեռամբ Ամենայն Հայոց Հայրապետի:

ՄԵԿ ՕՐ ԱՌԱՋ...

Օգոստոսի 28-ի երեկոյան դարձյալ մարդաշատ էր Ս. Հակոբ եկեղեցու բակը: Հավատարմոր գյումրեցիների ներկայությամբ առաջնորդ Սրբազանը, քահանայից

դասի հետ, կադարեց եկեղեցու լվացումը և օծումը՝ հաջորդ օրվան թողնելով Ս. Խորանի և Ս. Սեղանի օծումը:

Անի թաղամասում վեր խոյացած այս հրաշակերտ կառույցն ունի իր արարման պարամությունը: Ամերիկաբնակ մեր հայրենակից բարերարների ընդանիքում երբ ծնվում է Անի թռռուհին, նրանք ցանկություն են հայտնում նոր եկեղեցի կառուցել Բագրատունյաց մայրաքաղաքի հազար ու մի եկեղեցիների կողքին: Սակայն քանի որ այդ երազանքն առայժմ անհնար էր իրագործել, ուստի Նորին Սուրբ Օծության խորհրդով, վճռում են իրենց երազանքը կյանքի կոչել Գյումրիի Անի թաղամասում:

Զվարթնոցարիպ փաճարը նախագծում է, այսօր արդեն ցավոք մեզանից հեռացած, հայրնի ճարտարապետ Բաղդասար Արզումանյանը, ում այրին ներկա գրերվեց եկեղեցու օծմանը:

ԼՎԱՅՈՒՄ ԵՎ ՕԾՈՒՄ

Երեկոյան ժամը 19.00-ին սկսվեց եկեղեցու լվացումը՝ համաձայն նախնյաց սրբազան կանոնի: Ըստ այդմ լվացվեց ողջ աղոթապարտը նախ սովորական ջրով, ապա՝ գինով: Որից հետո հանդիսավորաբար կադարվեց օծումը: Հավուր պարզաճի զգեստավորված քահանայից դասը, գլխավորությամբ թեմակալ առաջնորդ Ս. Միքայել եպս. Աջապահյանի. թափոր կազմած և «Ուրախ լեր» շարականի երգեցողությամբ առաջնորդվեց դեպի եկեղեցու դուռը: Հենց մուտքի մոտ, դրսի կողմից, համաձայն «Մաշտոց» ծիսարանի, ընթերցվեցին Սուրբգրային հատվածներ և համապարասխան սաղմոսներ:

«Բաց մեզ Տեր» շարականի երգեցողությունից հետո, մյուսնելով փաճար, դարձյալ Սուրբգրային ընթերցվածներով, սաղմոսասացությամբ և շարականների երգեցողությամբ, ձեռամբ առաջնորդ Սրբազանի, կադարվեց աղոթապարտ օծումը: Սրբալույս Մյուռնոնով համապարասխանաբար օծվեցին եկեղեցու չորս անկյունները, սյուները և դռները:


Օգոստոսի 29-ի առավոտյան ժամը 10.15-ին, ձեռամբ Ամենայն Հայոց Հայրապետի և ընթերակայությամբ Ս. Փառեն եպս. Ավետիքյանի, սկսվեց Ս. Խորանի և Ս. Սեղանի լվացումն ու օծումը:

Օծման արարողությունից առաջ Նորին Սրբությանը, եկեղեցու բարերարներին, պարվարժան ներկաներին, կառուցող վարպետներին, ինչպես նաև բարեպաշտ գյումրեցիներին շնորհակալության ու երախտիքի խոսքեր ուղղեց Միքայել Սրբազանը՝ շեշտելով, որ «Ավելի լավ է փաղ, քան վերցնելը, խոնարհվելը, քան սեփական անձը վեր դասելը: Այս սկզբունքով առաջնորդվելով էր, որ մեր բարերարներն այս նորակառույց եկեղեցիով իրենց սիրտը կապեցին Գյումրիի Անի թաղամասի հետ, կառուցեցին այս սքանչելի փաճարը՝ որպես նվեր մեր բարեպաշտ հայորդիներին»:

Այնուհետև օծվեցին նաև 12 առաքյալների և մեր հավաքտ հոր և առաջին Հայրապետի՝ Ս. Գրիգոր Լուսավորչի սյուները: «Պահպանիչ» աղոթքից հետո Գարեգին



1. 2010-11-10, 10:00
 2. 2010-11-10, 10:00
 3. 2010-11-10, 10:00
 4. 2010-11-10, 10:00
 5. 2010-11-10, 10:00
 6. 2010-11-10, 10:00
 7. 2010-11-10, 10:00
 8. 2010-11-10, 10:00
 9. 2010-11-10, 10:00
 10. 2010-11-10, 10:00



Երեւանի Սուրբ Կաթողիկոսեան Կաթողիկոսեան

Բ Կաթողիկոսը ներկաներին ուղղեց իր Հայրական պարզամ-հորդորն ու շնորհավորանքի ջերմ խոսքը՝ ասելով.

*«Միռելի բարեպաշտ գյուրեցի հավարացյալներ,
Գյուրիի մարգային իշխանությունների ներկայացուցիչներ,
Միացյալ Նահանգների մեծարգո դեսպան,
Պատվարժան հյուրեր.*

Գոհության աղոթք ու փառք ենք առաքում առ Աստված, որ արժանի դարձրեց մեզ տեսնել հայոց անկախ պետականության վերահասարարունը և ազատության ու մեր նորոգ հավարի խորհուրդը մարմնավորող ևս մեկ եկեղեցու նորակառույցը: Թոթափած անաստվածության բռնությունը, այսօր մենք հնարավորություն ունենք վերադառնալ մեր խոնարհված եկեղեցիները, նաև կառուցել նորերը, որպեսզի հավարավոր մեր ժողովուրդը կարողանա սուրբ տաճարներում իր սրբի խոսքն ուղղել Աստծուն: Վերջին շրջանում շատ եկեղեցիներ իրենց դռները բացեցին հավարացյալների առջև: Եվ այսօր բերկրալի հոգով օրհնաբանում ենք Տիրոջը, որ արժանի է դարձնում Մեզ Սուրբ Հակոբ Մծբնեցի եկեղեցու օծումը կարարելու ուրախությունն ապրելու:

Մծբնա մեծ Հայրապետի՝ հավարի պահանջկոտ ու աննահանջ առաքյալի անունով օծված այս եկեղեցին, սիրելի գյուրեցիներ, աստվածային պարզել է Անի թաղամասին և մեզ բոլորին: Լուսեղեն այս հարկի տակ դուք պիրի կանգնեք աղոթքի, թողություն հայցեք Բարձրալից, խաղաղություն ու բարօրություն՝ մեր Հայրենիքին, օրհնություն՝ մեր ժողովրդին, որպեսզի հավարով զորացած, հույսի ու սիրտ մեջ հասարարված աստվածապարզ մեր կյանքը ապրենք իբրև հաղթություն:

Եկեղեցու օծման այս բերկրալի առիթով Հայրապետական Մեր գնահատանքն ենք ուղղում Մայր Աթոռիս մեծագնիվ բարերարին՝ Սարգիս Հակոբյանին, ինչպես նաև մեր սիրելի բարերարի թոռնուհուն, ով իր ծնունդով մասնավոր պարճառ էղավ, որպեսզի Անի թաղամասում կառուցվի այս ջրեղաշուք եկեղեցին:

Փառք Տիրոջը, որ ծնողաց զորավոր սերը մեր բարերարների հոգում դարձավ եկեղեցի կառուցելու հանձնառություն: Սուրբ Հակոբ եկեղեցին նաև վկայությունն է մեր բարերարների՝ առ Հայրենիքն ու Սուրբ Եկեղեցին ունեցած սիրտ, որը նրանց ԱՄՆ-ից բերեց Հայաստան, որպեսզի Անի թաղամասում, իբրև աղեկի վերքերի ամոքության նոր արտահայտություն, հառնի նաև Տաճար Աստծո և տուն աղոթից»:

Վեհափառ Հայրապետը օծման այս բերկրալի առիթով նորած եկեղեցուն նվիրեց Ս. Հաղորդության սկիհ, որպեսզի եկեղեցի եկող հավարացյալը Տիրոջ Մարմնին ու Արյանը հաղորդ դառնա շնորհիվ հենց այդ սկիհից բաշխվող նշխարի:

Իր գնահատանքը հայտնելով թեմակալ առաջնորդին և բարերարներին՝ Վեհափառ Հայրապետը 1700-ամյակի պատվո հուշանշան հանձնեց բարերարներ տեր և փիկին Հակոբյաններին, իսկ նրանց թոռնուհուն փոքրիկ Անիին, հրավիրելով Ս. Խոռան, նվիրեց եկեղեցու մանրակերպ պատկերը և ոսկյա խաչ:

ԱՆԴՐԱՆԻԿ Ս. ՊԱՏԱՐԱԳ

Օծման հանդիսավոր արարողությունից անմիջապես հետո, ժամը 11.05-ին, սրբագործված փաճարում մատուցվեց անդրանիկ Ս. Պատարագը: Օրվա պատարագիցն էր թեմի առաջնորդ Ս. Միքայել եպս. Աջապահյանը: Եպիսկոպոսական հանդիսավոր Ս. Պատարագի ընթացքում նորոգ օծյալ եկեղեցում Ս. Հաղորդություն սրացան մեծաթիվ հավատացյալներ:

Հավարտ Ս. Պատարագի, Հայրապետական մաղթերգի երգեցողությամբ, հանդիսավոր թափոռն Ամենայն Հայոց Վեհափառ Հորն իր շքախմբի և բարձրաստիճան հյուրերի հետ առաջնորդեց եկեղեցու բակ: Այսպեղ մեծաթիվ ներկաներին շնորհավորանքի ու երախտիքի խոսքեր ասացին մարգապետ Ֆելիքս Փիրումյանը, Գյումրիի քաղաքապետ Վարդան Ղուկասյանը: Այս քաղաքապետը պատվավոր քաղաքացու կոչում շնորհեց տեր և փիկին Սարգիս և Բաբի Հակոբյաններին:

Բարեպաշտ գյումրեցիներին սրբի խոսք ասաց նաև Հայաստանում ԱՄՆ արքակարգ և լիազոր դեսպան Ջոն Օրդուեյը:

Տոնական տրամադրությունը շարունակվեց եկեղեցուց դուրս ևս: Բարձրաստիճան հյուրերը ներկա գրնվեցին հենց նորած եկեղեցու բակում կազմակերպված գրական-գեղարվեստական ճոխ հայտագրին, որին մասնակցում էին Գյումրիի արվեստների քոլեջի, Առաջնորդարանի մշակույթի բաժնի և այլ երգի ու պարի համույթներ:

Նորին Սրբությանն ուղեկցում էին Ս. Փառեն եպս. Ավետիքյանը, Ս. Նավասարդ եպս. Աճոյանը, Ս. Սեպուհ եպս. Զուլջյանը, Ս. Վազգեն վրդ. Միրզախանյանը, գավազանակիր Ս. Գեղարդ արդ. Վահուտին, հյուրաբար Հայաստանում գրվող Մայր Աթոռի բարերար Լուիզ-Միմոն Մանուկյանը, պաշտոնապար այլ անձինք:

Պատվավոր հյուրերի թվում էին Հայաստանում ԱՄՆ արքակարգ և լիազոր դեսպան Ջոն Օրդուեյը, Հայաստանի, Վրաստանի և Արևելյան Եվրոպայի Կաթոլիկ հայերի առաջնորդ և Սեբաստիո հայոց Արքեպիսկոպոս հայր Ներսես Տեր-Ներսեսյանը, պետական և դիվանագիտական բարձրաստիճան պաշտոնյաներ, մարգային, տեղական իշխանությունների ներկայացուցիչներ ու մեծաթիվ հրավիրյալներ Հայաստանի տարբեր շրջաններից:

ՄԱՐԻԱՄ ՎԱՐԴԱՆՅԱՆ